

萬有文庫

第一集一千種

王雲五主編

讀書雜誌

(六十)

王念孫著

商務印書館發行

讀 書 雜 誌

(六十)

王念孫 著

國 學 基 本 叢 書

萬有文庫

第一集一千種

總編纂者

王雲五

商務印書館發行

編主五雲王
庫文有萬

種千一集一第

誌 雜 書 讀

冊 六 十

著 孫 念 王

路山寶海上
館書印務商

者刷印兼行發

庫各及海上
館書印務商

所 行 發

版初月四年九十國民華中

The Complete Library

Edited by

Y. W. WONG

TU SHU TSA CHIH

By

WANG NIEN-SUN

THE COMMERCIAL PRESS, LTD.

Shanghai, China

1930

B
一三五分

讀書雜誌餘編目錄

上卷

後漢書二十一條

老子四條

莊子三十五條

呂氏春秋三十八條

韓子十四條

法言八條

下卷

楚辭二十六條

文選一百一十五條

先子所箸讀書雜誌十種。自嘉慶十七年以後陸續付梓。至去年仲冬甫畢。中月而先子病沒。敬檢遺稿十種而外。猶有手訂二百六十餘條。恐其久而散失。無以遺後學。謹刻爲餘編二卷。以附於全

讀書雜誌 十六 餘編目錄

書之後。道光十二年四月朔日哀子引之泣書。

讀書雜誌

餘編上

後漢書

聖跡滂流

章帝紀追惟先帝勤民之德底績遠圖復禹宏業聖跡滂流至於海表念孫案滂當作旁此因流字而誤加水旁耳旁溥也徧也流行也謂聖跡徧行天下至於海表也此言聖跡非言聖澤則旁流之旁不當作滂說文曰旁溥也溥亦徧也繫辭傳曰旁行而不流謂徧行而不流也說見經義述聞周官男巫曰旁招以茅謂徧招於四方也晉語曰乃使旁告於諸侯謂徧告於諸侯也楚語曰武丁使以象夢旁求四方之賢謂徧求四方之賢也秦之罾刻石文曰威煇旁達莫不賓服謂威煇徧達也旁與方古字通堯典共工方鳩僝功史記五帝紀作旁皋陶謨方施象刑惟刑新序節士篇作旁呂刑方告無辜立政曰其克詰爾戎兵以陟禹之迹方行天下齊語曰君有此士也三萬人以方行於天下漢書地理志曰昔在黃帝作舟車以濟不通旁行天下其義一也至於海表罔有不服此云底績遠圖復禹宏業聖跡旁流至於海表意本於立政也

奉盤錯鋌

隗囂傳。牽馬操刀。奉盤錯。遂割牲而盟。李賢注曰。按蕭該音引字詁。錯卽題。音徒啓反。方言曰。宋楚之間。謂盎爲題。據下文云。錯不濡血。明非盎之類。前書匈奴傳云。漢遣韓昌等與單于及大臣俱登諾水東山。刑白馬。單于以徑路刀金留犁撓酒。應劭云。留犁飯匕也。撓。攪也。以匕攪血而飲之。今亦奉盤錯匙而飲也。以此而言。錯卽匙字。錯置也。音七故反。引之曰。錯當爲鯁。其字從缶不從金。廣韻錄。郭璞曰。今河北人呼小盆爲題子。杜啓反。廣雅曰。題。甌。甌也。太平御覽引通俗文曰。小甌曰題。凡從瓦之字或從缶。故字詁。鯁與題同。玉篇。鯁。徒啓切。亦作題。題。徒啓切。小盆也。集韻亦曰。題或從缶作鯁。皆其證矣。賢意謂據鯁字則爲盎盎之題。據下文則當訓爲匙耳。案周官玉府職。合諸侯則共珠槃玉敦。鄭注曰。合諸侯者。必割牛耳。取其血飲之以盟。珠槃以盛牛耳。尸盟者。執之。玉敦。飲血玉器。戎右職。盟則以玉敦辟盟。遂役之。贊牛耳。桃菊。注曰。役之者。傳敦血授當飲者。血在敦中。以桃菊拂之耳者。盛以珠槃。尸盟者。執之。若然。則盤以盛耳。敦以盛血。二器並設矣。今傳曰。奉盤。盤外當更有盛血之器。下文曰。有司奉血鯁進。護軍舉手揖諸將軍曰。鯁不濡血。飲不入口。是欺神明也。明鯁者。盎盎之類。所以盛血。如古之有敦耳。不得如賢注所云。且隗囂還用古禮。何肯效法匈奴乎。

鄧訓傳西羌傳竝云首施兩端注曰首施猶首鼠也念孫案史記魏其武安傳何爲首鼠兩端故李本之爲注今案施讀如施于中谷之施首施猶首尾也首尾兩端卽今人所云進退無據也春秋魯公子尾字施父是施與尾同意服虔注漢書曰首鼠一前一卻也則首鼠亦卽首尾之意

胎養

魯恭傳今始夏百穀權輿陽氣胎養之時注曰萬物皆含胎長養之時念孫案胎亦養也方言曰台胎養也晉衛燕魏曰台汝穎梁宋之間曰胎列女傳頌義小序曰胎養子孫以漸教化是胎與養同義此言陽氣胎養萬物非謂萬物含胎也方言注曰台猶頤也音怡序卦傳曰頤者養也胎台頤聲近而義同

或裴回藩屏或躑躅帝宮

蘇竟傳太白辰星或裴回藩屏或躑躅帝宮注曰帝宮北辰也藩屏兩傍之星也念孫案北辰在紫宮之中與左右兩藩皆非黃道所經太白辰星無緣到此今案帝宮謂太微宮藩屏謂太微之兩藩皆五星所經也史記天官書曰太微三光之廷匡衡十二星藩臣淮南天文篇曰太微者太一之廷也太乙當作五帝辨見淮南故云裴回藩屏躑躅帝宮

百獸駭殫

班固傳兩都賦遂繞鄠鎬歷上蘭六師發冑冑與逐同百獸駭殫注曰駭殫言驚懼也念孫案李訓駭殫爲驚

懼則殫字本作憚。今作殫者，後人據誤本文選改之也。韋昭注周語曰：憚懼也。懼與驚義相通。爾雅驚懼也。故楚辭招魂：君王親發兮憚青兕。王逸注曰：憚驚也。淮南人閒篇曰：驚憚遠飛。司馬相如上林賦曰：驚憚驚伏。驚憚即駭憚。故廣雅曰：駭憚驚也。言六師發逐而百獸皆驚也。又案文選：百獸駭殫。殫字李善無注。張銑注曰：言天子縱六軍逐百獸，駭驚踐蹋，十分殺其二三。駭驚即駭憚踐蹋。即下文之蹂躪而獨不爲殫字作解，然則李善及五臣本皆作百獸駭憚，而今本作殫，亦是後人所改明矣。後人改憚爲殫者，以憚音徒案反，與蘭字韻不相協故耳。不知憚從單聲，古音徒丹反，故與蘭爲韻。莊子達生編以鈎注者，憚釋文憚徒丹反，是其證也。後人不曉古音而妄改爲殫，殫者盡也。百獸駭盡則甚爲不詞，且此句但言百獸驚駭，下文乃言蹂躪其十二三，卒乃言草木無餘禽獸殄夷，若先言百獸已盡，則下文皆成贅語矣。此字蓋近代淺學人所改，而各本後漢書文選皆相承作殫，莫能正其失，良可怪也。

保界河山

子實秦人，矜夸館室，保界河山。注曰：保，守也。謂守河山之險以爲界。念孫案：賦言保界河山，非謂保河山以爲界也。今案界讀爲介，保介皆恃也。言恃河山以爲固也。僖二十三年左傳：保君父之命而享其生祿。呂氏春秋誠廉篇：阻兵而保威。高杜注並曰：保恃也。襄二十四年左傳：以陳國之介恃大國而陵虐於敝邑。介亦恃也。史記十二諸侯年表：晉阻三河，齊負東海，楚介江淮，附介皆恃也。索隱：介音界，言楚以江淮爲界。一云介音介也。

皆失。漢書五行志。號介夏陽之隄。怙虞國之助。介怙皆恃也。顏師古曰。介。南粵傳。欲介使者權。師古曰。介。恃也。是保介皆恃也。作界者。假借字耳。史記晉世家。公裳綿上山。中而封之。以爲介推田。號曰介山。續阻。淮南覽冥篇。介作界。郭有道碑。介休作界休。矜夸館室夸。亦矜也。保界河山界。亦保也。矜夸保界。皆兩字平列。

蘊孔佐之宏陳

典引。蓄炎上之烈精。蘊孔佐之宏陳。注曰。蘊。藏也。孔。佐。謂孔子制作春秋及緯書以佐漢也。宏。陳。謂大陳漢之期運也。念孫案。李云。大陳漢之期運。則宏陳之下。必須加數字以解之。而其義始明矣。今案。陳者。道也。言蘊蓄聖人之道也。李斐注。漢書哀帝紀曰。陳道也。微子曰。我祖底遂陳于上。言致成道於上也。君爽曰。率惟茲有陳。言有道也。大戴禮衛將軍文子篇曰。君陳則進。不陳則行而退。言君道則進。不道則退也。並見經義述聞。宏陳與烈精相對爲文。則宏陳之爲大道明矣。

微胡瑣而不頤

愚亡迴而不泯。微胡瑣而不頤。注曰。瑣。小也。頤。養也。言微細者。何小而不養也。念孫案。李以微爲細。細。卽小也。小胡小而不頤。則不詞之甚矣。今案。微讀曰微。爾雅曰。微。善也。立政。予旦已受人之微言。漢石經微作微。是微與微通。微。隱二字正相對。隱。惡也。言惡者無遠不滅。善者無小不養也。

有覲其面

樂成靖王黨傳安帝詔曰。莢有覲其面。而放逸其心。注曰。覲。姑也。言面姑然無媿。姑音胡八反。念孫案李訓覲爲姑。本於爾雅。然云面姑然無媿。則未解覲字之義。並未解姑字之義也。今案說文。覲。人面兒也。今人面兒。譌作面兒。案爾雅釋文引舍人曰。覲。擲也。一曰。面貌也。越語。覲然。而人面。章昭曰。覲。面目之貌是也。覲。爲人面貌也。小雅何人斯正義引說文。覲。面見人。亦是人面兒之譌。今訂正。或沿面見人之誤。解爲無面目相。姑。面覲也。爾雅訓覲爲姑。說文訓姑爲面覲。其義一也。今本面覲譌作面醜。何人斯釋文引說文。見失之。姑。面覲也。姑。面醜也。亦後人據誤本說文改之。今據何人斯正義及爾雅釋言疏所引訂正。又案說文。嬖。好也。齊材也。姑。面覲也。直好兒。姑字在嬖嬖嬖三字之間。則爾雅。覲。姑也。李巡。孫炎注。並曰。人面姑然也。見釋然則覲與姑皆人面之貌。而非無恥之貌明矣。小雅何人斯篇爲鬼爲蜮。則不可得有覲面目。覲人罔極。毛傳曰。覲。姑也。鄭箋曰。使女爲鬼爲蜮也。則女誠不可得見也。姑然有面目。女乃人也。人相視無有極時。終必與女相見。是覲爲人面目之貌。故對鬼蜮言之。若以覲爲無恥。則與詩意相違矣。又越語。余雖覲然而人面哉。吾猶禽獸也。韋注曰。覲。面目之貌。是覲爲人面目之貌。故對禽獸言之。若以覲爲無恥。則與覲然人面之文不合矣。此詔云。莢有覲其面而放逸其心。義亦與越語同。言莢雖覲然人面而放逸其心。實與禽獸無異。下文風淫于家。娉取人妻。是其事也。李以覲爲面姑然無媿。失之矣。又案方也。荆揚膏餘之間曰。漢此與有覲面目之覲異義。而左思魏都賦云。有覲容神。藥形茹任。昉彈曹景宗奏云。惟此人斯。有覲面目。玉篇亦云。覲。慚兒。則是誤以覲爲慚矣。總之。覲爲人面目之貌。或以爲恥。或以爲無恥。皆非也。或誤解說文之覲爲慚。云。慚從心。慚在中。覲從面。媿在面。媿在面。外亦沿左思任昉之誤。不知說文之覲爲面貌。不與訓慚之媿同義也。

不震厥教

震慢易大姬不震厥教。注曰大姬卽葦所繼之母也。震懼也。念孫案震讀爲祗。祗敬也。言不敬承其教。非謂不懼其教也。祗與震古同聲而通用。盤庚爾謂朕曷震動萬民以遷漢石經震作祗。無佚治民祗懼。史記魯世家祗作震。震字或作振。皋陶謨曰嚴祗敬六德。夏本紀祗作振。柴誓祗復之。魯世家祗作敬。徐廣曰敬一作振。內則祗見孺子。鄭注曰祗或作振。皆其證也。祗從氏聲。古音在脂部。震從辰聲。古音在諄部。諄部之音多與脂部相通。故從辰之字亦與從氏之字相通。說文蜺從氏聲。或作𧈧。從辰聲。又其一證也。恆上六振恆。說文引作楮恆。曲禮眡於鬼神。鄭注曰眡或爲祗。眡之與祗振之與楮猶震之與祗也。

游不倫黨

崔駰傳游不倫黨。苟以徇已。注曰倫謂等倫。念孫案倫擇也。游不倫黨謂交不擇類也。說文掄擇也。周官山虞曰邦工入山林而掄材。少牢饋食禮雍人倫膚九。鄭注曰掄擇也是倫與掄通。荀子勸學篇曰君子居必擇鄉。遊必就士。

補綻

崔實傳期於補綻決壞。枝柱邪傾。注曰綻音直覓反。禮記曰衣裳綻裂。紉箴請補綴。念孫案李以綻爲綻裂。非也。綻亦補也。補綻決壞。枝柱邪傾。相對爲文。若以補綻爲補其綻裂。則補綻決壞四字。文不成義。且

與下句不對矣。綻字本作紉。又作綻。說文：紉，補縫也。廣雅曰：紉，縫也。急就篇：鍼縷補縫綻。顏師古曰：修破謂之補。縫解謂之綻。古辭豔歌行曰：故衣誰當補，新衣誰當綻。

得之不休不獲不吝

張衡傳：應閒得之不休，不獲不吝。注曰：休，美也。吝，恥也。念孫案：休，喜也。吝，恨也。言得之不喜，不得不恨也。小雅菁菁者莪篇曰：我心則喜。我心則休，亦喜也。呂刑曰：雖畏勿畏，雖休勿休。言雖喜勿喜也。並見經義述聞周語曰：爲晉休戚。韋注曰：休，喜也。廣雅同。今俗語猶云休戚相關。楚語曰：教之世而爲之，昭明德而廢幽昏焉，以休懼其動。言喜懼其動也。說文曰：吝，恨惜也。屯六三：往吝。馬融注曰：吝，恨也。廣雅同。下文思元賦曰：柏舟悄悄，吝不飛。字或作愔。方言曰：愔，恨也。

豈愛惑之能剖

思元賦：通人闇於好惡兮，豈愛惑之能剖。注曰：剖，分也。言通人尚闇於好惡，况愛寵昏惑者，豈能分之。念孫案：李以愛爲愛寵，非也。愛者，蔽也。說文：變，蔽不見也。廣雅曰：變，壅蔽障也。爾雅：變，隱也。郭璞曰：謂隱蔽。方言：掩，翳，變也。郭璞曰：謂變蔽也。引詩：邶風靜女篇：變而不見。今詩：變作愛。楚辭離騷云：衆變然而蔽之。變，愛古字通。皆謂障蔽也。此言通人尚闇於好惡，豈蔽惑之人所能分割也。蔽與惑義相近。蔽惑與通人義相反。若以愛爲愛寵，則與上下文俱不相涉矣。文選愛惑作昏惑，蓋後人不曉愛字之義而改之也。

左概嵩嶽 箕背王屋

馬融傳廣成頌右轡三塗左概嵩嶽面據衡陰箕背王屋念孫案概當爲枕字之誤也草書概字作枕枕字作概二形相似水經汝水注太平御覽地部引此並作左枕嵩嶽箕背當爲背箕背箕與面據相對箕讀爲基立政以並受此不並基漢石經基作其周頌昊天有成命篇夙夜基釋名曰基據也在命宥密孔子聞居基作其說文其籀文箕字下物所依據也經汝水注引此正作背基王屋

脰完羝搗介鮮 梏羽羣

絹羝蹠蹠特肩脰完羝搗介鮮散毛族梏羽羣注曰絹繫也與胃通音工犬反蹠猶撞也音楚江反脰頸也謂中其頸也梏諸家並古酷反案字書梏從手卽古文攪字謂攪擾也念孫案李訓脰爲頸頸完羝則爲不詞故又釋之曰謂中其頸殆失之迂矣今案脰讀爲剗廣雅曰剗裂也玉篇曰小裂也作脰者借字耳絹蹠脰搗散梏六字字法皆相似若訓脰爲頸則與上下文不類矣介鮮二字亦爲不類鮮當爲鱗凡隸書從彡之字或作𠂔故鱗字或作𠂔形與鮮相近因譌爲鮮以下文毛羽例之則此當爲介鱗也說文曰搗裂也謂裂介鱗也梏讀爲磬廣雅曰磬分也脰搗皆裂也散梏皆分也李以梏爲攪擾之攪亦失之

儀建章

杜篤傳論都賦規龍首撫未央撫與舉同覲平樂儀建章注曰覲視也儀字無注念孫案儀者望也呂氏春秋

處方篇射者儀毫而失牆。畫者儀髮而易貌。淮南說林篇射者儀小而遺大。高注並曰儀望也。儀古讀若俄字。或作賅。定八年公羊傳注訓賅爲望。班固西都賦曰睇秦領賅北阜。賅與儀古今字耳。規龍首撫未央。撫亦規也。規平樂。儀建章。儀亦規也。睇秦領賅北阜。賅亦睇也。

田田相如

厥土之膏。畝價一金。田田相如。注曰相如言地皆沃美相類也。念孫案如讀爲紛拏之拏。田田相拏猶今人言犬牙相錯也。揚雄豫州箴曰田田相拏。廬廬相距。是其證。

三十鏃

南蠻傳其民戶出雞羽三十鏃。注曰毛詩四鏃既均。儀禮鏃矢一乘。鄭注曰鏃猶候也。候物而射之也。念孫案鏃者矢名。此言雞羽三十鏃則非謂鏃矢也。鏃讀爲猴。方言猴本也。廣雅同郭璞曰今以鳥羽本爲猴。說文曰猴羽本也。九章算術粟米章買羽二千一百猴。劉徽曰猴羽本也。數羽稱其本猶數草木稱其根株也。義與此雞羽三十猴同。作鏃者借字耳。

汾隰

西羌傳晉人敗北戎于汾濕。注曰二水名。念孫案李以隰爲水名非也。汾隰謂汾水旁下溼之地。爾雅曰下溼曰隰。桓桓三年左傳逐翼侯于汾隰。杜注曰汾隰汾水邊是也。

老子

信不足焉有不信焉

王弼本第十七章。信不足焉。有不信焉。河上公本無下焉字。念孫案。無下焉字者是也。信不足爲句。焉有不信爲句。焉於是也。言信不足。於是有不信也。呂氏春秋春季春篇注曰。焉猶於此也。聘禮記曰。及享發氣焉盈容。言發氣於是盈容也。月令曰。天子焉始乘舟。今本焉字在上句乃皆舟備具於天子之下此後人則篇訂正言天子於是始乘舟也。晉語曰。焉始爲令。言於是始爲令也。三年問曰。故先王焉爲之立中制節。言先王於是爲之立中制節也。荀子禮論篇焉作安楊原曰安語助或作安或作案荀子多用此字焉安案三字同義詳見釋詞大荒南經曰。雲雨之山有木名曰欒。欒帝焉取藥。言羣帝於是取藥也。管子揆度篇曰。民財足則君賦斂焉不窮。言賦斂於是不窮也。墨子非攻篇曰。天乃命湯於鑪宮。用受夏之大命。湯焉敢奉率其衆。以鄉有夏之境。言湯於是敢伐夏也。楚辭九章曰。焉洋洋而爲客。又曰。焉舒情而抽信兮。言於是洋洋而爲客。於是舒情而抽信也。又僖十五年左傳。晉於是乎作爰田。晉於是乎作州兵。晉語作焉作轅田。焉作州兵。西周策。君何患焉。史記周本紀。作君何患於是。是焉與於是同義。莊八年公羊傳。吾將以甲午之日。然後祠兵。於是管子小問篇。且臣觀小國諸侯之不服者。唯莒於是。是於是與焉同義。河上公注云。君信不足於下。下則應之以不信。而欺其君也。則字正解焉字之義。祭法曰。壇墠有禱焉祭之。無禱乃止。言壇墠有禱則祭之也。大戴禮曾子